

六
典
通
考

六典通考卷一百八十六

湖西閭鎮珩輯

賓禮考

巡狩

風俗通曰巡者循也狩者牧也道德太平王者爲天循行以牧人也太古炎帝之時后歲省方觀民設教黃帝披山通道未嘗寧居東至於海登丸山及岱宗西至于空桐登雞頭南至于江登熊耳北逐葷粥合符釜山及帝顓頊乘結元之輦巡四海以寧民北曠幽陵南拊交止西際神沙東跂蟠木四行天下日芒所詭莫不砥屬帝嚳省方以齊民之物而登封以報其政之成是以四

海同風九州共貫帝堯在位十有二載巡狩方岳觀于
華華封人曰嘻請祝聖人使聖人富壽多男子帝曰辭
於是設四嶽八伯以典諸侯宣聲教以同俗振彫瘵存
鰥寡民不賞而勸不罰而治方志稱齊地廣固城外有
堯山俗傳堯巡狩所登因以名焉尙書舜典五載一巡
狩羣后四朝歲二月東巡狩至于岱宗柴望秩于山川
協時月正日同律度量衡五月南巡狩至于南岳八月
西巡守至于西岳十有一月朔巡守至于北岳歸格于
藝祖敷奏以言明試以功車服以庸或問文中子舜一
歲而巡五岳國不費而民不勞何也曰兵衛少而徵求
寡也白虎通德論曰王者必制巡狩之禮何尊天重民

也所以至四嶽者何盛德六四方之中能興雲致雨也。以夏之中月同律度得其中也。鄭康成答孫皓云：唐虞之時五年一巡狩，夏殷之時蓋六年一巡狩。先儒謂經傳無六年之文，頗以爲疑。康成又言：每巡一岳歸而復往，崔靈恩因爲實其說曰：五載止巡一岳，四岳則二十年而徧周，十二載則四十八年而徧自杜君卿、呂東萊、馬端臨皆力辨其謬。蓋王者建國親民，巡方所至幽隱無不達政教，靡不舉，未有曠數十載而廢闕大典如崔氏所陳者也。考虞書巡行之禮本末粗具，迄于三代則周官王制所記尤詳。後世惟唐開元禮庶幾得其遺意，其他雖不盡衷于古，然亦頗有可採焉。

大行人十有二歲王巡狩

王巡守諸侯會者各以其時之方

職方氏王將

巡守則戒於四方曰各脩平乃守攷乃職事無敢不敬戒國

有大刑

守謂國境之內職事所當共具

及王之所行先道帥其屬而巡戒令

先道先由王所從道居前其前日所戒之令

戎僕掌馭戎車犯軼如玉路之儀

凡巡守亦如之

如在

土訓王巡守則夾王車

巡守行視所守也天子以

四海

誦訓王巡守則夾王車

土方氏王巡守則樹王舍

爲守

玉人大璋中璋九寸邊璋七寸射四寸厚寸黃金勺

青金外朱中鼻寸衡四寸有纁天子以巡守宗祝以前馬

射疾

出者也鼻勺流也凡流皆爲龍口也衡謂勺徑也三璋之勺形如圭瓚天子巡守有事山川則用禮焉於大山山川則用大

璋加文飾也於中山川用中璋殷文飾也於小山山川則用大

用邊璋半文飾也其所沈以馬宗祝亦執勺以先之 凡將事于四海山川則飾黃駒 王巡守過大山山川則 郊禘

牲天子適四方先柴 觀禮祭天燔柴祭山邱陵升祭川沈

祭地瘞

升沈必就祭者也謂王巡守及諸侯之

曲禮臨諸

侯眡於鬼神曰有天王某甫

眡致也視告致于鬼神辭也某甫其字也

祭義天

子巡守諸侯待于竟天子先見百年者問其國君以百年者所在而往見之

十九十者東行西行者弗敢過西行東行者弗敢過欲言政

者君就之可也

弗敢過者謂道經之則見之

王制天子五年一巡守

五年

者歲夏之制周則十二歲一巡守

歲二月東巡守至于岱宗

岱宗東嶽

柴而望祀

山川柴祭天告至也

觀諸侯問百年者就見之命太師陳詩以觀民

風謂采其詩而視之

命市納賈以觀民之所好惡志淫好辟

市與市者賈謂

物貴賤厚薄也賈則用物貴淫則侈命典禮考時月定日同

律禮樂制度衣服正之

同陰律也

山川神祇有不舉者爲不敬不

敬者君削以地

舉猶祭也

宗廟有不順者爲不孝不孝者君紕以

爵

不順者謂若逆昭穆

變禮易樂者爲不從不從者君流

流放也

革制度

衣服者爲畔畔者君討

討誅也

有功德於民者加地進律

律法也

五月南巡守至于南嶽如東巡守之禮八月西巡守至於西嶽如南巡守之禮十有一月北巡守至于北嶽如西巡守之

禮歸假于祖禰用特

假至也特特牛也

白虎通所以五載巡守何爲太煩也過五年爲太疎也因天道時有所生歲有所成三歲一閏天道小備五歲再閏天道大備故五載一巡守三年小備二伯出述職黜陟一年物有終始歲有所成方伯行國時有所生諸侯行邑王者出一公以其屬守二公以其屬從也

曾子問天子巡狩以遷廟主行載於齊車齊車金路鄭石彘曰

先王卜征五年征謂巡守征行而歲習其祥祥習則行五年五卜皆同吉乃巡守

不習則增修德而改卜不習謂卜不吉孔叢子古者天子將巡狩

必先告於社禰命史告羣廟及社稷圻內名山大川告者七

日而徧親告用牲史告用幣申命冢宰而後清道而出或以

遷廟之主行載於齊車每舍奠焉及所經五嶽四瀆皆有牲

幣歸反舍于外次三日齋親告于祖禰用特命有司告羣廟

社稷及圻內名山大川而後入聽朝

白虎通王者出告廟何孝子出辭反面事死如事生尙書

歸假于祖禰曾子問曰王者諸侯出親告祖禰使祝徧告

五廟尊親也王者將出告天者示不專也故王制曰類于

上帝宜乎社造于禰類祭以祖配不曰接者尊無二禮尊
尊之義造于禰獨見禰何辭從卑不復畱尊者之命至禰
不嫌不至祖卽祭告天爲告事也祖爲出辭也義異告于
尊者然後乃辭出

掌客王巡守則國君膳以牲犢令百官百姓皆具從者三公
眡侯伯之禮大夫眡子男之禮士眡諸侯之卿禮庶子壹眡
其大夫之禮國君者王所過之國君也犢藟栗之饋也以膳
天子貴誠也牲孕天子不食也凡賓客則皆角
尺令者掌客
令主國也坊記天子四海之內無客禮莫敢爲主焉故

君適其臣升自阼階卽位於堂示民不敢有其室也臣亦統
於君

禮運天子適諸侯必舍其祖廟而不以禮籍入是謂天子

壞法亂紀

以禮籍入謂大史典禮執簡記奉諱
惡也天子雖尊舍人宗廟猶有敬焉

禮器有以

少爲貴者天子適諸侯諸侯膳以饋 孟子天子適諸侯曰
巡狩適諸者巡所守也入其疆土地辟田野治養老尊賢俊
餽在位則有慶慶以地入其疆土地荒蕪遺老失賢措克在
位則有讓 慶賞也措克聚
飲也讓責也

朱子曰或問建牧立伯小大相維自可垂拱無爲矣何故
復有巡守之舉豈牧伯不足任耶或云因以祭天且朝諸
侯又云君民一體不可遂然不相接故必躬親巡撫然後
上下情通而教化洽矣二說孰是曰建牧立監與巡守之
義並行不悖祭天朝諸侯巡撫之意皆在其中矣先王之
政體用兼舉本末備具非若後世儒者一偏之說有體而
無用得本而遺末也

周武王十有五年春巡狩方岳祀百神朝諸侯 時邁巡狩

告祭柴望也時邁其邦昊天其子之寶右序有周薄言震之

莫不震疊懷柔百神及河喬嶽允王維后明昭有周式序在

位載戢干戈載櫜弓矢我求懿德肆于時夏允王保之 般

巡狩而祀四岳河海也於皇時周陟其高山墮山喬岳允猶

翕河敷天之下哀時之對時周之命 書周官惟周王撫萬

邦巡侯甸四征弗庭綏厥兆民六服羣辟罔不承德歸于宗

周六年五服一朝又六年乃時巡考制度于四岳諸侯各朝

於方岳大明黜陟周制十二年一巡守春東夏南秋西冬北故曰時巡 竹書紀年成

王十九年王巡狩侯甸方岳召康公從歸于宗周遂正百官

黜陟侯康王十六年王南巡守至九江廬山宣王八年巡狩

東都 左傳莊公二十五年夏五月王巡虢守虢公爲王宮于玆王與之酒泉鄭伯之享王也王以后之盤盥與之虢公請器王于之爵鄭伯由是始惡于王冬王歸自虢 僖公二十有八年冬天王狩于河陽是會也晉侯召王以諸侯見且使王狩仲尼曰以臣召君不可以訓故書曰天王狩于河陽言非其地也且明德也

杜佑曰梁崔靈恩三禮義宗云唐虞五載巡狩一岳二十年方徧四岳周則四十八年矣案尙書周官篇云六年五服一朝又六年王乃時巡考制度諸侯各朝於方岳大明黜降又案堯舜簡儉嘗稱茹茨土階巡狩四方羽儀導從必少一年四岳五載復往宗廟享祭釐委有司展議省方

觀風察俗之大政如或二十年方徧及于民物不亦乖疎
詳周官本文與孔氏注解既改制十有二歲比唐虞已甚
遐闕如四十八年乃徧豈非益爲曠邈乎且周雖尙文天
子諸侯降殺以兩穆王巡歷天下萬姓不其勞苦始皇猶
幸四方屬車八十一乘二漢以降至于有隋或東封告成
或觀省風俗百辟悉至羣司畢從不下十餘萬人何止千
乘萬騎所以曠代多闕斯禮崔生謂堯舜及周帝王行幸
車徒禮數與秦漢以後無異斯不達古今豐約之別復不
詳周官之文輒肆臆度之說耳 馬端臨曰天子與諸侯
相見於方岳之下築壇與覲禮壇制同其壇外爲土埒方
三百步開四門壇方九十六尺高四尺上爲堂下爲三等

謂之三成成每等高一尺其堂上置司盟之神位謂之方
明其將見諸侯也諸侯之上介各以其君之旂置於宮內
以表立位之處乃詔王升壇訖諸侯皆就其旂而立其位
案明堂位諸公中階之前北面東上諸侯阼階之東西面
北上諸伯西階之西東面北上諸子門東北面西上諸男
門西北面東上王乃於壇上揖之以定其位其揖之節有
三儀與王無親者推手小下之與王昏姻者平推手揖之
與王同姓者推手小舉之王既揖定其位諸侯乃進升壇
奠玉公於上等奠珪王陳擯者五人禮之侯伯於中等奠
信珪躬珪王陳擯者四人禮之子男於下等奠穀璧蒲璧
王陳擯者三人諸侯各奠玉訖降拜又升成拜訖擯者乃

延諸侯升堂授玉訖乃以璧琮行享禮謂之將幣諸侯既朝見王訖乃退而自相與盟王官之伯臨之其神主於月因以祭之

秦始皇二十七年巡隴西北地出雞頭山過回中治馳道二十八年東行郡縣上鄒嶧山立石遂上泰山立石禪梁父刻所立石乃並勃海以東過黃腫窮成山登之罘立石頌秦德焉而去南登瑯琊畱三月乃徙黔首三萬戶瑯琊臺下立石頌德還過彭城齋戒禱祠欲出周鼎泗水使千人沒水求之弗得乃西南渡淮水之衡山南郡浮江至湘山祠自南郡由武關歸二十九年東遊登之罘刻石于瑯琊道上黨入三十二年之碣石巡北邊從上郡入三十七年至雲夢望祀虞舜

於九疑山浮江下觀籍柯渡海渚過丹陽至錢唐臨浙江水
波惡乃西百二十里從狹中渡上會稽祭大禹望於南海而
立石刻頌秦德還過吳從江乘渡並海上北至瑯琊自瑯琊
北至榮成山至之罘並海西至平原津二世元年東行郡縣
到碣石並海南至會稽而盡刻始皇所立刻石遂至遼東而
還

漢文帝三年五月自甘泉之高奴幸太原見故羣臣皆賜之
舉功行賞諸民里賜牛酒復晉陽中都民三歲租七月還長
安武帝元鼎五年十月行幸雍遂踰隴登空同西臨祖厲河
而還元封元年十月詔朕將巡邊垂擇兵振旅置十二部將
軍親帥師焉行自雲陽北歷上郡西河五原出長城北登單

于臺至朔方臨北河勒兵十八萬騎旌旗徑千餘里還祀黃
帝於橋山迺歸春正月行幸緱氏遂東巡海上夏四月還登
封泰山降坐明堂詔行所巡博奉高蛇邱歷城梁父民租貸
已除加年七十以上孤寡帛人二匹四縣無出今年算自泰
山復東巡海上至碣石自遼西歷北邊九原歸二年冬行幸
雍春幸緱氏遂至東萊還至瓠子臨決河命從臣將軍以下
皆負薪塞河隄作瓠子之歌赦所過徒賜孤獨高年米人四
石四年冬幸雍通回中道遂北出蕭關歷獨鹿鳴澤自代還
幸河東五年東行南巡狩至于盛唐登灑天柱山自尋陽浮
親射蛟江中舳舻千里薄縱陽出作盛唐縱陽之歌遂北至
瑯琊並海所過禮祠其名山大川春三月還至泰山增封因

朝諸侯王列侯受郡國計夏還幸甘泉六年冬行幸回中春
作首山宮三月行幸河東太始三年行幸東海獲赤雁作朱
雁之歌幸瑯琊禮日成山登之罘浮大海山稱萬歲四年春
行幸泰山夏幸不其祠神人於交門宮若有鄉坐拜者作交
門之歌五月還十二月行幸雍西至安定北地

後漢建武十七年夏四月南巡狩皇太子及右胡公輔楚公
英東海公陽濟南公康東平公蒼從幸潁川進幸葉章陵十
八年二月西巡狩幸長安十九年秋南巡狩幸南陽進幸汝
南南頓縣舍置酒會賜吏人復南頓田租一歲進幸淮陽梁
沛二十年冬十月東巡狩幸魯進幸東海楚沛國復濟陽縣
徭役六歲三十年二月東巡狩幸魯進幸濟南秋七月幸魯

國復濟陽縣是年徭役中元元年正月東巡狩二月幸魯進
幸泰山北海王興齊王石朝於東岳是夏行幸長安祀長陵
永平二年十月西巡狩幸長安歷覽館邑會郡縣吏勞賜作
樂十一月進幸河東所過問二千石令長以下至於掾史有
差五年冬行幸鄴與趙王栩會鄴六年冬行幸魯會沛王輔
楚王英濟南王康東平王蒼淮南王延瑯琊王京東海王政
十二月還幸陽城十年夏南巡狩幸南陽日北至又祠舊宅
還幸南頓勞享三老官屬冬十月徵淮陽王延會平與徵沛
王輔會睢陽十三年夏行幸滎陽巡幸河渠遂渡河登太行
進幸上黨十五年春東巡狩幸偃師徵沛王輔會睢陽進幸
彭城耕于下邳徵瑯琊王京會良成徵東平王蒼會陽都又

徵廣陵侯及其三弟會魯還幸孔子宅親御講堂命皇太子
諸王說經又幸東平進幸大梁至定陶建初七年九月幸偃
師東涉卷津至河內下詔所涉郡界皆精騎輻行無它輕重
不得輒修橋道遠離城郭遣吏逢迎以爲煩擾所過欲令貧
弱有利無違詔書遂覽淇園進幸鄴勞享魏郡守令下至三
老門闌走卒賜錢各有差勞賜常山趙國吏人復元氏租三
歲冬十月西巡狩幸長安進幸槐里岐山得銅器形似酒罇
獻之又獲白鹿帝曰上無明天子下無賢方伯人之無良相
怨一方斯器亦曷爲來哉又幸長平御池陽宮東至高陵造
舟于涇而還每所到輒會郡縣吏人勞賜作樂八年十二月
東巡狩幸陳畱梁國淮陽潁陽元和元年秋八月南巡狩詔

所經道上郡縣無得設儲衛命司空自將徒支柱橋梁有遣使奉迎探知起居二千石當坐其賜餼寡孤獨不能自存者粟人五斛九月幸章陵祠舊宅園廟見宗室故人賞賜有差十月進幸江陵還幸宛二年春東巡狩耕于定陶詔三老孝弟力田賜帛人一匹幸泰山進幸奉高大會內外羣臣復博奉高贏無出今年田租芻橐進幸濟南遂幸魯幸東平東阿北登太行山至天井關三年春北巡狩濟南王康中山王焉西平王羨六安王恭樂成王黨淮陽王昞任城王尚沛王定皆從二月告常山魏郡清河鉅鹿平原東平郡太守相曰朕惟巡狩之制以宣聲教考同遐邇解釋結寃也今四國無政不用其良駕言出游欲親知其劇易前祠園陵遂望祀華霍

東柴岱宗爲人祈福今將禮常山遂徂北土歷魏郡經平原
升踐隄防詢訪耆老咸曰往者汴門未作深者成淵淺則泥
塗追惟先帝勤人之德底績遠圖復禹宏業聖跡滂流至於
海表不克堂構朕甚慙焉月令孟春善相邱陵土地所宜今
肥田尙多未有墾闢其悉以賦貧民給與糧種務盡地力所
過縣邑聽半入今年田租進幸中山出長城還幸元氏詔復
元氏七年徭役進幸趙八月幸安邑觀鹽池章和元年八月
南巡狩徵任城王尙會睢陽幸梁幸沛徵會東海王政九月
幸彭城東海王政沛王定任城王尙皆從遂幸壽春汝陰張
以太尉兼衛尉留守開車駕當幸江陵以爲不宜冒險遠驛
馬上諫詔報曰祠謁旣訖當南禮大江會得君奏臨漢同與
及還禹特蒙賞賜延光三年二月東巡狩幸泰山齊王無忌北海王

晉樂安王延來朝勞賜郡縣作樂三月還幸東平至東郡歷魏郡河內冬十月行幸長安會三輔守令掾吏作樂歷觀上林昆明池四年二月南巡狩永和七年冬南巡狩幸章陵賜守令以下有差幸雲夢臨漢水幸新野

魏黃初二年十二月東巡四年春築南巡臺于宛秋八月幸未東巡行幸許昌宮四年七月將東巡以大軍當出使太常以一特牛告祠南郊五年七月東巡幸許昌宮八月親御龍舟循蔡潁浮淮幸壽春揚州界九月至廣陵赦青徐二州改易諸將守六年二月遣使者巡行許昌以東盡沛郡問民所疾苦貧者振貸之三月行幸召陵通討虜渠五月幸譙八月遂以舟師自譙循渦入淮從陸道幸徐九月築東巡臺冬十

月幸廣陵故城臨江觀兵戎卒十餘萬旌旗數百里是歲大寒水道冰舟不得入江乃引還十二月行自譙過梁明帝東巡狩三所過存問高年恤疾苦或賜穀帛齊王正始元年巡洛陽縣賜高年力田有差

晉初新禮巡狩方岳柴望告至設壇宮如禮諸侯之覲者儼及執贄皆如朝儀而不建旂摯虞以覲禮諸侯各建其旂宜定新禮建旂如舊詔可然終晉代其禮不行武帝泰始四年詔使使持節侍中黃門侍郎銜命四出周行天下其萬民之利害爲一書禮俗政事敎理刑禁逆順爲一書悖逆暴亂作慝犯令爲一書札喪荒凶厄貧爲一書康樂和親安阜爲一書每國辨異之以反命于朝

宋元嘉四年二月東巡狩至于丹徒二十六年東巡幸至京城會舊京故老萬餘人享勞賚發赦蠲徭役大明七年春巡南豫南充二州校獵於厯陽之烏江登六合山詔曰朕受天慶命禮橫四海威振八荒方巡三湘而奠衡岳次九河而檢云岱今恢覽功臣省風畿表觀民六合蒐校長洲獻鬯如禮饁獸傾郊敬舉王公之觴廣納士民之壽盡天罄瑞率宇竭歡可大赦天下行幸所過無出今歲租布其逋租餘債勿復收刺守邑率及民夫從蒐者普加給賚又詔太宗燕故晉陽治恩世祖流仁濟畿暢澤永言往猷思廣前賚可蠲厯陽郡租輸三年遣使巡慰問民疾苦鰥寡孤老六疾不能自存者厚賜粟帛高年加以羊酒凡一介之善隨才銓貫前國名臣

及府州佐吏量所沾錫人身已往施及子孫九月詔曰昔周
王驥迹實窮四溟漢帝鸞軫夙徧五岳皇家造宋日月重光
而戎車歲動陳詩義闕朕當沿時省方觀察風俗外詳考舊
典以副側席之懷冬十月駕巡南豫州詔曰朕巡幸所經先
見百年者及孤寡老疾並賜粟帛獄繫刑罪並親聽訟其土
庶或恐鬱危滯受抑吏司或隱約潔立負擯州里皆聽而訴
若忠信孝義力田殖穀一藝之美悉加旌賞行幸江寧縣訊
獄囚詔曰採言聆風式觀侈質貶爵加地於是乎在今類帝
宜社親巡江甸因覲嶽守躬求民瘼思宏明試之典以申考
績之義行幸所經莅民之職功宣于聽卽加甄賞若廢務亂
民隨警議罰主者詳察以聞

後魏建國十二年西巡至河而還十九年二月西巡臨河使人招諭闕頭從命二十二年春東巡至桑乾川四月還雲中二十五年南巡至君子津冬行幸代登國三年二月東巡四月幸東赤城六月渡弱落水班賞將士有差七年八月幸漠南仍築巡臺八年春南巡幸殺羊原赴白樓六月北巡七月臨幸新壇宴羣臣仍講武九月還幸河南宮九年春北巡五月田于河東天興元年春幸鄴民有老而不能自存者詔郡縣賑恤之帝巡登臺榭遍覽宮城將有定都之意乃置行臺以龍驤將軍和跋左丞賈彝率郎吏及兵五千人鎮鄴駕還中山詔大軍所經州郡復費租一年除山東民租之半車駕自中山至望都堯山次于恆山之陽二年二月幸繁峙宮三

年五月東巡幸涿鹿西幸馬邑觀灑源六年七月北巡築離宮於豺山縱土校獵東北踰罽嶺出參合代谷九月幸南平城規度灑南面夏屋山背黃瓜堆將建新邑天賜三年春北巡幸豺山宮二月幸代園山建五石亭四月幸馬城八月幸豺山宮遂至青牛山西登武要北原觀九十九泉造石亭遂之石漠九月朔幸漠南鹽池至漠中觀天鹽池度漠北之吐鹽池南還長川臨觀長陂四年夏北巡自參合陂東過蟠羊山大雨暴水流輻重數百乘殺數百人遂東北踰石漠至長川幸濡源西幸參合陂築北宮垣三旬而罷永興四年九月朔東巡大獮于石會山臨去畿陂觀漁遂至濡源西巡幸北部諸落賜以綰帛十二月北巡至長城而還五年夏西巡行

幸雲中舊宮之太室六月西幸五原校獵于骨羅山獲獸十萬七月還幸薄山登觀太祖遊幸刻石頌德之處乃于其旁起石壇而薦享焉賜從者大酺自大室西南巡諸部落賜其渠帥繒帛遂南次定襄大落城東踰七嶺山田于善無川神瑞二年夏北巡次于參合東幸大寧田于四岬山六月幸長畿陂觀漁次于濡源築立蟀臺射白熊于頹牛山獲之進幸赤城親見長老問民疾苦復租一年南次石亭幸上谷問百年訪賢俊復田租之半幸涿鹿登橋山觀溫泉至廣寧登歷山復所過田租之半泰常元年夏北巡七月自白鹿陂西行大獮于牛川登釜山臨殷繁水而南觀于九十九泉二年夏西巡至雲中遂濟河田于大漠十有二月田于西山四年夏

南巡幸雁門賜所過無出今年租賦五月觀漁于灑水復所
過一年租賦秋八月東巡遣使祭恆岳復所過一年田租十
二月西還至雲中踰白道北獵野馬于辱孤山至黃河從君
子津西渡大狩于僻林山七年秋幸灑南宮遂如廣鹽幸橋
山因東幸幽州見耆年問其所苦賜爵號分遣使者循行州
郡觀風俗復所過田租之半冬南巡出自天門關踰恆嶺四
方會附大人各率所部從者五萬餘人八年春出于鄴南韓
陵山幸汲郡至枋頭濟自靈昌津幸陳畱東郡濟河而北西
之河內造浮橋于治坂津四月幸成臯城觀虎牢遂至洛陽
觀石經還幸河內北登太行幸高都還至晉陽六月北巡至
參合陂遊于蟠羊山七月幸三會屋侯泉詔皇太子率百官

以從八月幸馬邑觀于溫源始光元年夏東巡幸大寧神廟
元年夏西巡田于河西六月行幸長川八月東幸廣寧臨觀
溫泉冬十月北巡田于牛川二年冬西巡狩田于河西至祚
山而還太安三年十月將東巡詔太宰常英起行宮于遼西
黃山四年春行幸廣寧溫泉宮遂東巡平州至于遼西黃山
宮游晏數日親對高年勞問疾苦二月登碣石山觀滄海大
享羣臣班賞進爵改碣石山爲樂游山築壇記行于海濱南
幸信都畋遊于廣川三月觀馬射于中山所過郡國賜復一
年冬十月北巡至陰山有故塚毀廢詔自今有穿毀墳壟者
斬之次車輪山累石記行和平元年正月東巡歷橋山幸遼
西遂緣海西南幸冀州北至中山延興三年冬行幸陰山太

上皇帝南巡至于懷州所過問民疾苦賜高年孝悌力田布帛太和五年春南巡至中山親見高年問民疾苦賜孝悌力田孤貧不能自存者穀帛有差免宮人年老者還其所親車駕幸信都存問如中山講武于唐水之陽三月幸肆州講武于雲水之陽所經考察守宰加以黜陟十五年七月巡省京邑聽訟而還十六年春巡京邑理冤訟十七年八月駕至肆州民年七十以上賜爵路見眇跛者停駕親問賜衣食終身幸并州親見高年問疾苦九月幸洛陽十八年春南巡詔相兗豫三州百年以上假縣令九十以上賜爵二級七十以上賜一級孤老鰥寡不能自存者賜粟五石帛二匹孝悌廉義文武應求者皆以名聞幸洛陽西宮行幸河陰北巡次句注

陞南皇太子朝于蒲池七月北巡幸朔州八月皇太子朝于
行宮行幸陰山觀雲川幸閱武臺臨觀講武幸懷朔武川撫
冥柔遠四鎮南還所過皆親見高年問民疾苦貧窘孤老賜
以粟帛詔六鎮及禦夷城人年八十以上而無子孫兄弟終
身給其廩粟七十以上家貧者各賜粟十斛次旋鴻池還平
城宮冬十月次于中山之唐湖分遣侍臣巡問民所疾苦幸
信都詔冀定二州民百年以上假以縣令九十至七十以上
賜爵有差鰥寡孤獨不能自存者賜以穀帛孝義廉貞文武
應求者具以名聞二十一年春北巡次于太原親見高年問
所不便詔并州士人年六十以上假以郡守自平城行幸雲
中復南巡次離石詔汾州民百年以上假縣令九十至七十

賜爵有差次平陽幸龍門蒲坂行幸長安親見高年問所疾
苦遣侍臣分省縣邑賑賜穀布幸未央殿阿房宮遂幸昆明
池東旋汎渭入河詔雍州士人百年以上假華郡太守九十
以上假荒郡八十以上假華縣令七十以上假荒縣庶老以
年各減一等七十以上賜爵三級其營船之夫賜爵一級孤
寡鰥貧窮痲廢疾各賜帛二匹穀五斛其孝友德義文學才
幹悉仰貢舉永安二年夏北巡幸河內詔上黨百年以下九
十以上板三品郡八十以上四品郡七十以上五品郡永熙
二年十二月狩于嵩陽

北齊天保三年六月帝如晉陽九月自并州幸離石十月至
黃檣嶺仍起長城北至社干戍四百餘里立三十六戍四年

九月北巡冀定幽安五年冬北巡至達速嶺覽山川險要將起長城九年夏自晉陽北巡至祁連池

論曰周宣王中興狩于東都大會諸侯詩人偉其有復古之烈作歌美之今小雅車攻吉日諸篇是也然則先王巡狩之禮兼肆田獵以修戎備故出必宜于社反必告于廟所以示重慎也後世如秦皇漢武行邊校獵誇張雄勇其威聲遠被於荒夷至元魏諸主凡所臨御之地多以蒐軍經武爲能事殆有合于古狩禮之一端與若其就見高年訪察疾苦資耄以爵秩矜鰥窮以粟帛史冊所記靡代無之蓋宮車一出幽隱得以上達慶賞因而下流故人主遊行所至舉謂之幸言其惠澤無

虛生人必將有大榮幸焉觀晏子規齊景公之言其深
有符于斯旨哉

六典通考卷百八十七

湖西閻鎮珩輯

巡狩禮

歷代巡狩

後周保定三年七月行幸原州至津門問百年賜以錢帛又賜高年板職有差九月自原州登隴山幸同州天和元年冬行幸武功等新城建德六年夏東巡七月幸洛州詔山東諸州舉有才者上縣六人中縣五下縣四赴行在所共論政治得失冬十月幸鄴宮十二月幸并州宮宣政元年春行幸鄴宮懷州洛州大象元年春東巡狩幸洛陽二月幸鄴

隋大業元年三月詔巡歷淮海觀省風俗八月御龍舟幸江

都三年北巡狩六月次榆林入樓煩關次太原九月次濟源
至于東都四年三月幸五原因出塞巡長城八月親祠恆岳
河北道郡守畢集五年三月西巡河右四月出臨津關渡黃
河五月入長寧谷度星嶺六月經大斗拔谷次張掖行經之
所給復二年九月入長安十一月幸東都六年三月幸江都
宮七年二月自江都御龍舟入通濟渠遂幸涿郡八年三月
車駕度遼九月至東都九年四月車駕度遼九月次上谷十
年三月幸涿郡四月次北平七月次懷遠鎮十月至東都十
一年五月幸太原避暑汾陽宮八月巡北塞

唐制天子將巡狩告于其方之州曰皇帝以某月于某巡狩
各修乃守考乃職事敢不敬戒國有常刑將發告于圖上前

一日皇帝齋于郊祀告昊天上帝又告于太廟社稷具大駕
鹵簿所過州縣刺史令候于境通事舍人承制問高年祭古
帝王名正烈士既至刺史令皆先奉見將作築告至圖壇于
嶽下四出陛設昊天上帝配帝位天子至執事皆齋一日明
日望于嶽鎮海瀆山川林澤邱陵墳衍原隰所司爲壇設祭
官次于東壝門外道南北向設饌幔內壝東門外道北南向
設宮懸登歌爲瘞堦祭官執事皆齋一日嶽鎮海瀆山川林
澤邱陵墳衍原隰之尊在壇上南陛之東北向設玉篚及洗
設神座壇上北方獻官奠玉幣及爵于嶽神祝史助奠鎮海
以下明日乃肆覲將作于行宮南爲壝三分壝開之二在南
爲壇于北廣九丈六尺高九尺四出陛設宮懸壇南御座壇

上之北解劔席南陛之西文武官次門外東西刺史令次文
官南蕃客次武官南列輦路壇南文官九品位壇東南武官
西南相向刺史令位壇南三分庭一蕃客位于西又設門外
位建牙旗于壇外黃麾大仗屯門鉞戟陳壇中吏部主客戶
部贊羣官客使就門外位刺史令贊其土之實錦綺絹布葛
越皆五兩爲束錦以黃靶常貢之物皆篚其屬執列令後文
武九品先入就位皇帝乘輿入北壇門由北陛升壇卽坐南
向刺史蕃客皆入壇門至位再拜奠贊興執贊侍中降于刺
史東北皆拜宣己又拜蕃客以舍人稱制如之戶部導貢物
人刺史前龜首之金次之丹漆絲纊四海九州之美物重行
陳執者退就東西文武前側立通事舍人導刺史一人解劔

脫舄執贄升前北向跪奏官封臣姓名等敢獻壤奠遂奠贄舍人跪舉以東授所司刺史劍舄復位初刺史升奠贄在庭者以次奠于位前皆再拜戶部尚書壇開北向跪請以貢物付所司侍中承制曰可所司受贄出東門中書侍郎以州鎮表方一窠俟于西門外給事中以瑞案俟于東門外乃就侍臣位初刺史將入乃各引案分進東西陛下刺史將升中書令乃前跪讀黃門侍郎給事中進跪奏瑞侍郎給事中導案退文武刺史國客皆再拜北向位者出就門位皇帝降北陛以入東西位者出設會如正至刺史蕃客入門皆奏樂如上公會之明日考制度太常卿採詩陳之以觀風俗命市納賈以觀民之好惡典禮者考時定日同律禮樂制度衣服正之

山川神祇有不舉爲不恭宗廟有不慎爲不孝皆黜爵革制
度衣服者爲叛有討有功德于百姓者爵賞之貞觀十五年
正月如洛陽次溫泉衛士崔卿刁文懿憚于行役冀鑿與驚
擾而停遂夜射行宮矢及寢院者五皆以大逆論詔從行士
卒家貧親老並放還二月宴從官及山東宗姓洛陽高年于
貞觀殿三月如襄城宮十八年二月幸零口村落偏側問其
受田二十畝遂夜分而寢憂其不給詔府州錄尤少田者並
給復移之寬鄉十一月至洛陽宮宴父老百九十人于儀鑾
殿班賜有差二十年八月如靈州次涇州賜高年鰥寡粟帛
踰隴山開次瓦亭觀牧馬永徽五年三月如萬年宮次鳳泉
湯救岐州及所過徒罪以下八月詔免麟游岐陽今歲課役

岐州及供頓縣半歲顯慶二年閏正月如洛陽宮二月降洛
州囚罪徒以下原之免民一歲租調賜百歲以上襦袷粟帛
十一月如許州遣使慮所過州縣囚赦鄭州免一歲租賦賜
八十以上粟帛其嘗高祖任佐史者以名聞五年正月如并
州次長平賜父老布帛二月赦并州及所過州縣義旗初嘗
任五品以上葬并者祭之加佐命功臣食別封者子孫二階
大將軍府僚佐存者一階民年八十以上版授刺史縣令賜
醕三日三月皇后宴親族鄰里于朝堂會命婦于內殿賜從
官五品以上并州長史司馬勳一轉婦人八十以上版授郡
君賜襪衾粟帛咸亨元年詔來年幸東都在路供頓所須並
令司稼自供不得令州縣差科所經道路修理開拓水可涉

渡不煩造橋築宮又擬置御營之驛並不敢擅加修補在路
不得妄有進獻二年二月遣使存問諸州十一月如許州遣
使存問所過老疾鰥寡慮囚十二月獵于昆陽儀鳳元年二
月如汝州溫陽遣使慮免汝州輕繫三月如東都免汝州今
歲半租賜民八十以上帛三年五月幸九成宮至日山中霖
雨大塞從行兵士有凍死者各賜絹三匹給棺槨官爲埋殯
十月詔咸京天府地隘人繁雖獲登秋之積猶虧游歲之資
卽以來年正月幸東都關內百姓免一年庸調及租并地子
稅草其當道諸縣特免二年永淳元年四月幸東都以穀貴
減扈從兵士先天元年十一月睿宗命帝巡邊詔協時同律
庾典之常道喬嶽翁河周詩之盛德皇家開元首出寰宇大

寧文祖神宗之德洽于人心考祥展義之規昭于國典皇帝
天錫英武神與聰明自陟元后實總朕師而邊毗遐阻藩服
悠曠式慰來蘇之懷寶允卜征之意加以頃年邊將授任或
乖師旅以虧軍威不振皇帝宜順時巡狩親幸邊陲西泊河
塞東踰燕朔望秩名山肆覲羣后其杖節擁旄隱若敵國者
當崇進律之賞加以分麾之命若軍令莫修侵削戰士者宜
明茲憲典肅以天誅然後七萃騰裝三軍案節合符釜山之
典勒騎單于之臺其供帳所資儲擬之費皆令有司支備不
得煩人帝以北巡慎選良將乃以幽州都督宋璟爲左軍大
總管并州長史薛納爲中軍大總管兵部尙書郭元振爲右
軍大總管旣而竟不行二年八月制曰自中宗入關于今八

載省方之典久而莫修朕情深救弊身豈懷安博考靈心審聽輿語順時而動從眾之願宜以今年十一月行幸東都凡厥有司各恭乃事至從行兵馬供頓貯積務在撙節勿使煩勞所過州縣無費黎元亦不得輒有差科旁求進獻開元二年九月幸新豐之温湯十一月敕曰古之順豫義兼巡省且下復蠲之令慰其望幸之心新豐縣百姓免一年雜差科縣官及温泉監官經兩度祗承者與一中上考三年十月幸郿縣之鳳泉湯制曰頃者築場神甸清道子來經上林之苑囿指扶風之藪澤雖獵將提鼓虞人植旗仍憫沍寒之節不行肅殺之命所謂行者幸也后來其蘇宜申恩惠用符古昔所經州供頓并營幕橋道等事宜令所司勘會奏聞其縣緣御

路及頓場麥苗有損者亦令具實奏聞十一月至鳳泉湯詔曰近歷鄆鎬左連岐雍見江山秀麗溝塍綺錯長陽鄆杜之間竹林園果之富相望于道家給人足謂之時邁頗慰予懷駕所過之縣見禁囚徒以下咸宜放免流以上罪犯具狀奏聽遂止年九十以上并篤疾各賜物四段綿布各一匹五年正月幸東都敕行幸所經州宜令平章事蘇頌訪察刺史上佐政術定作三等奏聞六年七月詔曰去歲欲幸洛京已發成命旋屬重營太廟因將中止終肆覲于東方當載馳于西土神明之隩時惟雍州稼穡有年莫若關輔王假用吉后來其蘇可以今年十月取北路幸長安所司準式務在節省無得勞費又詔曰去年從京向都蒲州刺史程行謨同州刺史

李朝隱陝州姜師度至其州界咸有進奉惜其能善故乃屈
法收情冬中西幸不可踵前其有輒進送及餉遺從官并別
有煩擾者必科以法御史糾察奏開九年九月詔曰卜洛萬
方之隩維嵩五嶽之中風雨之所交舟車之所會流通汴漕
控引河運利俗阜財于是乎在今欲省其費務以實關中卽
彼敖庾少畱河邑乘歲陽之吉展遊順之儀以明年正月十
五日幸東都十年八月制曰朕頃自鎬京省方于雒本以息
轉輸之費卽河漚之殷今屬宗廟改修禮崇昭事永言配享
必在躬親又眷彼晉陽是稱重鎮將陳詩以問俗式安邊而
訓武宜以明年正月三日發雒幸并州取便路還京應須支
計所畱準式緣頓祇承一事以上并用當處官物不許科斂

百姓其選運及從兵馬官寮等務從減省所在公私並不得
輒有進獻十一年正月如并州降囚罪徒以下原之賜侍老
物次潞州赦囚給復五年以故第爲飛龍宮改并州爲北都
赦太原府給復一年下戶三年元從家五年版授侍老八十
以上上縣令婦人縣君九十以上上州長史婦人郡君百歲
以上上州刺史婦人郡夫人二月如汾陰賜文武官階勳爵
帛免所過今歲稅十三年十月如兖州次濮州賜河南北五
百里內父老帛十一月封于泰山禪社首賜文武官階勳爵
致仕官一季祿公主嗣王郡縣主一子官諸蕃酋長來會者
一官免所過一歲兖州二歲租賜徐曹亳許仙豫六州父老
帛十五年制曰朕粵自編鄴省方瀝雒遂荷靈睭登于介邱

先天成功允答休祐我來于東歲亦數稔而西土耆老後子
多怨況關輔之地頃則有年宜叶卜征之祥式展時巡之義
可以今年閏九月十日取北路幸長安餘同前詔八月制曰鎬京
之地陵寢所在自展義河雒已歷數年將欲西巡元取北路
今同州暴水漫于邑居載懷憂惕無忘鑒寐且從南路幸長
安所司準式十九年六月制曰三秦九雒咸曰帝京五載一
巡時維邦典今河汴頻稔江淮屢登二周馳望幸之誠三川
勤後予之請十月滌場是因暇隙可備法駕整句陳清蹕嶠
潼觀風河雒以今年十月四日幸東都所司準式又勅供頓
州縣百姓所緣料及充木匠雜祇供人等宜放今年地租自
餘戶等免今年地稅半應定供頓縣官各與一中上考二十

年十月如潞州中書門下慮巡幸所過因潞州給復三年賜
高年粟帛十一月如北都給復三年如汾陰大赦免供頓州
今歲視賜文武官階勳爵諸州侍老帛武德以來功臣後及
唐隆功臣三品以上一子官二十四年正月敕以前議西幸
屬歲不登今稼漸熟漕運復多期以十月三日發東都取南
路應急用務要崇節減所司明爲條例勿有煩勞

唐都長安歲漕不足以給用遇有凶歉則天子就食于
洛京高宗以後習以爲常開元詔書稠疊雖以時巡爲
名究非先王省方觀民之比特其詞旨懇惻實心恤民
故備錄焉自天寶之末幽燕盜起四夷交侵廣德建中
之間大駕遠出至于一再終傳昭之世內脅于宦寺外

偏于方鎮天子幸蜀幸陝幸河中幸汴都其事大抵如春秋所書天王出奔之例非可以言狩也茲概削不著

宋太祖幸西京所過賜夏秋田租之半眞宗朝諸陵乃舉大禮途中皆服折上巾窄袍出京過京城服韠袍具鑾駕羣臣公服繫鞵供奉班及內朝官前導凡從宮並日赴行官合班起居晚朝視事羣臣不赴中頓侍食百官就宿頓迎駕訖先發或道途隘遠則免迎駕將進發近臣諸軍賜裝錢出京畱司馬步諸軍夾道左至新城門外奉辭畱守辭于門內百官父老辭于苑前召畱守等賜飲苑中州縣長吏畱司官待于境所過賜巡警兵守津梁行郵治道卒時服錢履及衛士緡錢所幸寺觀賜道釋茶帛或加紫衣師號吏民有以饗餼酒

果方物獻者計值答之命官籍所過繫囚逋負者引對原釋
訪民疾苦賑恤鰥寡孤獨有奇才異德及政事尤異者孝順
義節爲鄉里所稱者其不守廉隅昧正理者並條析以聞官
吏知民疾苦者錄奏所過州府結綵爲樓陳音樂百戲道釋
以威儀奉迎者悉有賜駕還京大陳兵衛以入凡行幸太祖
太宗不常其數自咸平中車駕每出金吾將軍率士二百人
執摠周繞謂之禁圍春夏緋衣秋冬紫衣郊祀省方並增二
百服錦襖出京師則加執劍親王中書樞密宣徽行園內餘
官園外大禮備儀衛則有司先布土爲黃道自宮至祀所左
右設香臺畫瓮青繩闌干巡省在途則不設凡巡省翰林進
號傳詩付樞密院每夕摘字令衛士相應爲識東京舊城城

門西京皇城司並契勘內外城宮廟門並勘箭出入皆然入
藩鎮外城子城門亦勘箭朝陵定扈從官人數入柏城者僕
射以上三人丞郎以上六人餘各一人東封定仗內導駕官
從人數親王中書樞密宣徽三司使四人學士尚書丞郎節
度使三人兩省卿監三司副使樞密承旨客省閤門使副金
吾大將軍押仗鳴珂內殿崇班以上二人餘各一人命諸司
巡察之太祖初年如潞滅死罪免附路三十里今年租錄陣
歿將校子孫丁夫給復三年太宗平太原次太名皆如太祖
勞軍之制眞宗幸大名駐澶淵勞軍之禮如祖宗景德四年
正月幸西京朝諸侯命知雜御史王濟等籍所過父老及繫
囚逋負官物人對行在多獨免原釋父老賜茶帛綾袍其貢

香藥名馬者召對撫慰賜金帛大中祥符元年有司
巡狩有燔柴告至皇帝親行事不載有司攝事之文車駕至
泰山合行告至望令大尉以酒脯幣帛于泰山下壇告至奏
可又詔給事中張秉等管句所經州縣父老詣行在者送門
引對賜以酒食州縣見禁囚具所犯以聞又詔以御史中丞
王嗣宗考制度使左正言周起副之採訪民間不便事併市
物之價車服權衡度量不如法則者舉儀制禁之有奇才異
行隱淪不仕者長吏詢求諭薦鰥寡孀獨不能自存者賑恤
有司言澶州城門卑下不容大輦請徹門而出不許詔由城
外過他所皆然又詔扈從人宿頓所無得壞民舍什物樹木
違者重罪爲朝覲壇于奉高宮之南方九丈六尺高九尺四

出陞其南兩陞設衛仗宮懸於壇中書門下文武百官皇親諸軍將校四朝貢使舉人蕃客父老僧道皆在列設襲文宣公位於文官三品之下隣州長史悉集上服袞御壽昌幄殿受朝貢遂幸兗州賜從官待制以上宗室將軍辟塞丸紫花茸綿細窄袍三畢祀汾陰悉如東封之制有司言祠宇之旁難行觀禮望俟至河中府朝覲經度制置使陳堯叟等言寶鼎行宮前可以設壇詔如堯叟等語四年正月至慈澗頓賜道傍耕民茶菴賜扈駕詣軍緡錢二月出潼關渡渭河次河中府寶鼎縣幸開元寺作大窰宮建寶鼎縣爲慶成軍給西京分司官寶奉三分之一令法官慎刑名有情法重者以聞大宴羣臣于穆清殿賜父老酒衣幣次華州幸雲臺觀宴宜

澤亭召見隱士鄒隱李寧賜茶果東甬次閩鄉縣召見道士
柴又元問以無爲之要宴虢州父老于湖城行宮三月次陝
州召草澤魏野請疾不至賜運船卒時服次西京罷河北緣
邊工役建炎初詔荆襄關陝江淮皆備巡幸是冬駐蹕揚州
後大駕幸建康會稽詔以臨安府爲行在所建炎三年春駐蹕于杭有侍臣

召對者說對所陳劄子首日恭維陛下歲二月東巡狩至于此地臣相願浩見之笑曰秀才家識甚好惡

遠道宗每歲先幸黑山拜聖宗興宗陵賞金蓮乃幸子河避
暑吐兒山在黑山東北三百里近饅頭山黑山在慶州北十
三里上有池池中有金蓮子河在吐兒山東北三百里懷州
西山有清涼殿亦爲行幸避暑之所四月中旬起牙帳卜吉
地爲納涼所五月末旬六月上旬至居五旬與北南臣僚議

國事暇日遊獵七月中旬乃去皇帝牙帳以槍爲梗寨用毛繩連繫每槍下黑氊傘一以芘衛士風雪槍外小氊帳一層每帳五人各執兵杖爲禁圍南有省方殿殿北約二里曰壽甯殿皆木柱竹椽以氊爲蓋彩繪鞘柱錦爲壁衣如緋繡額又以黃布繡龍爲地障懸榻皆以氊爲之傅以黃油絹基高尺餘兩廂邵府亦以氊蓋無門戶省方殿北有鹿皮帳帳次北有八方公用殿壽甯殿北有長春殿衛以梗寨宮用契丹兵四千人每日輪番千人祇直禁圍外卓槍爲寨夜則拔槍移卓御寢帳周圍拒馬外設鋪傳鈴宿衛每歲四時周而復始天顯三年四月東巡四年六月西巡選輕騎數千獵近山駐蹕涼陁七月觀市曲赦繫囚祠太祖而東七年冬西狩駐

蹕平地松林會同元年二月幸遼河東三月將東幸三尅言
農務方興請減輜重促還期從之三年春如南京次右嶺詔
扈從擾民者從軍律幸薊州晉及南唐各遣使來覲四月至
燕備法駕入自拱辰門御元和殿行入閣禮六月駕次奉聖
州統和元年八月上西巡幸懷州九月幸祖州還上京三年
七月東幸駐蹕上河以暴漲命造船橋乘步輦出聽政八月
次藁城至顯州幸乾州觀新宮遂西幸九月次海上駐蹕東
古山四年十月幸南京以南院大王畱寧言復南院部民今
年租賦十三年春幸延芳淀詔諸道觀農十五年夏幸南京
如炭山清暑九月幸饒州十一月幸顯州十二月駐蹕駝山
開泰四年十二月南巡海微還幸顯州太平五年九月駐蹕

南京是歲燕民以年穀豐熟車駕臨幸爭以土物來獻上禮高年惠鰥寡賜醕飲至夕六街燈火如晝士庶嬉遊上亦微行觀之

金熙宗時翰林待制程杲上疏略曰古者天子皆有巡狩無非事者或省察風俗或審理冤獄或問民疾苦布宣德澤皆巡狩之名也國家肇興誠恐郡國新民棄本逐末習舊染之污奢侈詐僞或有不明之獄僭濫之刑或力役無時四民失業今鑿略省方將憲古行事臣願委長貳釐正風俗或置區區以申冤枉或遣使郡國問民無告昔漢昭帝問疾苦光武求民瘼和氣通天丕平可待疏奏嘉納世宗巡幸所至必訪官吏臧否嘗曰天子巡狩當舉善罰惡孝弟姻睦者舉用之

無行之人則教戒之不悛則加懲罰帝嘗欲幸上京大理司直路伯達上書諫以爲空京師事遠遊非慎重之道不報後薛王府掾梁襄上疏極諫曰金蓮川在重山之北地積陰冷五穀不殖自古極邊荒棄之壤也氣殊候異中夏降霜一日之間寒暑交至非聖躬將攝之所凡奉養之具無不遠勞飛輓越山踰險其費數倍至于頓舍之處車騎闐塞主客不分牛馬風逸以難收臧獲逋逃而莫得奪攘蹂躪未易禁止公卿百官衛士富者車帳僅容貧者穴居露處輿臺阜隸不免因路一夫致疾染及眾人天傷無辜何異刃般臣聞高城浚池深居窳禁帝王之藩籬也壯士健馬堅甲利兵帝王之爪牙也今行宮之所無有高殿廣宇城池之固是廢其藩籬也

掛甲常坐之馬日暴雨蝕臣知其必羸瘠矣禦侮待用之軍
穴居野處冷啖寒眠臣知其必疲瘵矣衛官周廬纒容數人
一旦霖潦積旬衣甲弓刀霑溼柔脆豈堪爲用是失其爪牙
也神龍不可以失所人主不可以輕行燕都東西千里山峻
相連易于據守陛下舍此而他住倘有內隙乘之臣甚懼焉
議者謂往年遼國之君春水秋山冬夏捺鉢眞得快樂之趣
陛下效之耳臣謂三代之政今有不可行者況遼之過舉哉
且遼所遊不過臨潢之旁儀物殊簡輜重不多隔三五歲方
一行非歲歲如此也今文物增廣輜重浩穰隨駕生聚殆逾
百萬以一身之樂使百萬之人困于役傷于財陛下其忍之
歟世宗納之爲罷行

帝謂韓臣曰梁襄諫朕無幸金蓮川朕以其言可取故罷其行然襄謂隋煬帝

以巡遊敗國過矣煬帝失道虐民自取滅亡雖不巡幸國將
安保人主能盡君道雖時或巡幸何傷豈必深處九重便謂
無虞乎泰和二年五月諭有司曰金井捺鉢不過二三日留朕

之所止一涼厦足矣若加修治徒費人力其藩籬不及之處
用圍幕可也又勅巡幸所過州縣止令灑掃不許以黃土覆
道違者糾之五年正月詔郡縣三經行幸民嘗供億者賜一
年租稅之半二月如建春宮貞祐二年四月從尙書省奏巡
幸南京車駕次定興禁有司扈從蹂踐民田次中山府勅扈
從軍所踐禾計直酬之六月次彰德府曲赦境內七月次南
京

元至元三十一年九月駐蹕三部落受百官朝賀監察御史
崔敬疏言太祖以上都爲清暑之地車駕行幸歲以爲常闕

有大安殿有鴻禧睿思所以保養聖躬適起居之宜今失利
幹耳彙思乃先皇所以備宴遊非常時臨御之所願大駕還
大內居深宮嚴宿衛與宰臣謀治道命經筵進講緝熙聖學
乃宗廟之福也成宗時歲或二月三月車駕幸上都至九月
或十月還大都至治元年八月駐蹕興和左右以寒甚請還
京帝曰兵以牛馬爲重民以稼穡爲本朕遲留欲馬得芻牧
民得刈穫何計乎寒九月駐蹕昂兀嶺還大都至順元年樞
密院言歲大駕幸上都發各衛軍士千五百人扈從又發諸
衛護軍萬五千人以駐山後蒙古軍三千人駐官山以守關
梁乞如數調遣三年五月時巡于上都

明永樂六年北巡禮部行直省凡有重事及四夷來朝與進

表者俱達行在所小事達京師啟聞車駕將發奏告天地社稷太廟孝陵祭大江旗纛等神輟祭于承天門緣塗當祭者遣官祭將至北京設壇祭山川駕至奏告天地祭境內山川扈從馬步軍五萬侍從五府都督各一吏戶兵刑四部堂上官各一禮工二部堂上官各二都察院一御史二十四給事中十九通政大理太常光祿鴻臚共二十翰林院內閣官三侍講修撰典籍等官六六部郎官五十四始車駕將發宴羣臣賜扈從官及軍校鈔至北京宴羣臣耆老賜百官及命婦鈔所過郡縣官吏生員耆老朝見分遣廷臣嚴守令賢否加黜陟給事御史存問高年賜幣帛酒肉嘉靖十八年幸承天先期親告上帝于元極寶殿同日告皇祖及睿宗廟遣官分

告北郊及成祖以下諸廟社稷日月神祇駕出正陽門后妃
輦轎從錦衣衛設欽製武陣駕衛卒八千奉輿輦執儀仗衛
指揮前驅武重臣二員畱守兵部尙書參贊機務各賜敕行
事分命文武重臣出督宣大薊州山海關行九邊亦各賜敕
皇城及京城諸門命文武大臣各一員坐守設警備扈駕官
軍六千駕發百官吉服送於彰儀門外扈從官軍略如永樂
時數先發在塗者免朝參惟禮兵二部鴻臚太常科道糾儀
官光祿寺從行過眞定望祭北嶽帝常服從臣大臣及巡撫
都御史吉服行禮衛輝遣官祭濟瀆鈞州望祭中嶽滎澤祭
河禮如北嶽南陽遣祭武當山塗次古帝王聖賢忠臣烈士
祠墓遣官致祭撫按三司迎于境上至行宮吉服朝見生員

耆老俱三十里外迎所過王府親王常服候駕隨至行宮晷
照朝見賜宴宗室不許出至承天詣獻皇帝廟謁告越四日
行告天禮于龍飛殿丹陛上奉獻皇帝配帝更皮弁服詣國
社稷及山川壇行禮次日謁顯陵從駕官上表賀遂頒詔如
儀回京親謝上帝皇祖皇考分遣官告郊廟社稷羣臣行禮
如初七年駕幸北京定制凡常朝皇太子于午門左視事左
右侍衛及各官啟事如常儀若御文華殿承旨召入者方入
凡內外軍機及王府急務悉奏請有邊警卽調軍勦捕馳奏
行在皇城及各門守衛皆增置官軍遇聖節正旦冬至皇太
子率百官于文華殿前拜表行十二拜禮表由中門出皇太
子由左門送至午門還宮百官導至長安右門外文五品武

四品以上及近侍官監察御史俱乘馬導至三山門外以表
授進奏官至期告天祝壽行八拜禮其正旦冬至千秋節百
官于文華殿慶賀如常儀凡享太廟及社稷諸神敕皇太子
攝祭共祀典神祇太常寺于行在奏聞遣官行禮凡四夷來
朝循例賜宴命禮部遣送行在所凡詔書至設龍亭儀仗大
樂百官朝服出三山門外奉迎皇太子冕服迎于午門前至
文華殿行五拜三叩頭禮升殿展讀禮部官置詔書于輿中
文武二品以上官迎至承天門開讀如儀以鼓樂送使者詣
會同館十二年北征十八年南巡均命皇太子監國時太子
幼命諸臣一人居守軍國機務悉聽啟行

論曰春秋書天王狩于河陽傳日以臣召君不可以訓

晉文公嘗有翼戴王室之勳君子不忍以一眚掩大德
故託言曰狩若王自欲行者然尊王亦以弊霸也若夫
襄王內不能奉其母外不能閑其弟納狄后而啟戎釁
幾尋幽王驪山之轍故經書曰天王出居于汜言身爲
天下之主而不能保其宗廟社稷辱莫大焉罪莫甚焉
唐自天寶范陽之亂京師瓦解乘輿播遷蜀道淋鈴之
曲聞者爲之愴心其後代宗逼于吐蕃而走鳳翔德宗
困于朱泚而奔奉天以關輔四塞河山之險固而寇賊
乘虛以入如履無人之境甯非謀國之不臧使然與至
于僖昭流離顛沛抑又甚焉夫中國冠也夷狄履也履
雖新不敢加于冠上古今之大防然也晉之懷愍宋之

徵欽明之英宗五代之石從貴生受俘囚之恥而沒遂捐其身于異域其僅得生還者惟英宗一人耳至今中國士大夫猶不忍言其事而當時爲之將相大臣者胡獨晏然而不怍耶史爲之諱或詭其名曰巡曰幸以比于春秋書河陽之例噫何其不思之甚與夫晉文有攘戎狄之大烈故雖負召君之慝而不欲斥言今四代之君親見執于胡虜而世又無賢方伯以匡救之準之于經義奚當哉或曰漢獻唐昭迫脅于強臣而竄身于荆棘其事無足論矣若宋之建炎亦見逐于悍虜而南行耳豈可以言巡幸哉夫高宗雖避命于海澨然能延趙氏之宗祀百有五十年不可謂非賢矣厲王流于彘而

宣王建中興之烈則詩人美之徹欽之殞不減幽厲而
高宗則周之宣王與嗟呼人主無遇難修省之誼無堅
忍濟事之才雖貴爲萬乘而賤甚匹庶者有之況敢爭
衡于強敵耶傳曰國必自伐而後人伐之人必自侮而
後人侮之以今觀之斯言猶信